



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## **A SU PARCU DE MOLENTARGIUS SA RIEVOCATZIONE ISTÒRICA DE SA BATALLA DE QUARTU**

Unu fine chida istòricu-culturale pro Quartu e pro is apassionados de medioevu gràtzias a sa rievocatzione de sa Batalla de Quartu, acontèssida su 6 santugaine 1353.

Sa manifestatzione, organizada dae s'Assòtziu Memòrias e milites e patrotzinada dae su Comunu de Quartu, s'at a acumprìre acanta su Parcu Naturale Regionale Molentargius Salinas pro is dies intreas de sàbadu 21 e domìniga 22 maju, cun intrada de badas.

Segundu is fontes sa batalla aiat bidu si contrapònnere su Regnu de Arborea, chi aiat postu in campu 200 cadderis e oto mìgia fantes, e is catalanu-aragonesos, ghiados dae s'ammiràlliu Bernardo de Cabrera. Su iscontru violentu cun sa vitòria de is ispànicos, chi aiant refudadu s'assaltu fintzas gràtzias a su ritardu de is mègius tropas sardas, in arribu de Seddori. Sa die sighente su cumandante binchidore aiat cròmpidu su bighinadu de Lapola (su de oe Marina) e fiat torradu trionfante a Castel de Casteddu cun is banderas istratzadas a s'inimigu.

Sa batalla quartese andat duncas incuadrada comente a s'inghitzu de sa ruta de su Regnu de Arborea, in cuddu momentu a su màssimu de s'espansione sua. Tale rievocatzione s'insertat in unu percursu chi s'Amministrazione cheret aviare pro favorire su connoschimentu e s'aprofundimentu de s'istòria sarda. Su primu passu de unu laboratòriu istòricu, abertu a unos àteros contributos, chi siat fintzas occasione de cunfrontu, ma semper in sa consièntzia de su ruolu sotziale acumpridu dae sa matèria, e duncas cun s'obietivu de cualificare una tzitadinàntzia consapevole e ativa.

S'initiativa de s'assòtziu 'Memòrias e milites' at a pigare inghitzu chenàbura 20 cun s'allestimentu de su campu medievale, ma at a intrare a su biu sàbadu a is 9.30 cun s'abertura a su pùblicu e su cumintzu de is bìsitas, fintzas ghiadas. At a èssere possibile bisitare s'acampamentu militare, is vàrias espositziones de armas e armaduras; sunt in prus prevìdidos ispuntinos didàticos e rapresentatziones de is vàrias fainas artesanales. Est in prus in programa su torneu de tiru cun s'arcu istòricu "1° Memorial Marco Piras" e su torneu de tiru cun sa balestra. A is 17.30 s'investidura de is giòvanos cadderis e posca de is 18.00 ispàtziu a sa rievocazione de sa batalla de Quartu.

Domìniga mangianu a is 11 at a èssere ancora 'batalla'. S'at a pòdere posca assistire a su protzessu a su stupratore e a s'intzendiàrios e a su matrimòniu segundu sa letura de sa Carta de Logu, pro posca concruire cun is dantzas medievals. Paris cun 'Memòrias e milites' ant a partetzipare is àteros assòtzios 'Sala de arme is 4 ghennas' (Casteddu), 'Sagittarii vagantes' (Igrèsias), 'Corporatzione arcieri medievals' (Seddori), 'Arcieri San Sebastiano' (Domunoas), 'Su pòpulu de is milli aiat coloridu (mùsicos medievals).